

# Måldokument for forvaltning av hjortevilt 2023-2027

2. Utkast

## 1 Innholdsfortegnelse

Måldokument for forvaltning av hjortevilt 2023-2027 .....	1
Innleiing .....	3
Mål for hjorteforvaltinga i Sunnfjord .....	3
Hovudmål .....	3
Bestandsstorleik .....	3
Kunnskap om hjorteforvaltning .....	4
Bestandssamansetjing og kondisjon .....	5
Grunneigarorganisering .....	5
Vedlegg .....	5
Evaluering av måloppnåing, Bestandsutvikling for hjort i Sunnfjord» (Norsk Hjortesenter-rapport nr. 01 2022) .....	5

## **Innleiing**

Alle kommunar der det er opna for jakt på hjortevilt, skal vedta kommunale mål for forvaltning av hjorteviltbestandane. Kravet er nedfelt i Forskrift om forvaltning av hjortevilt (FOR-2016-01-08-12).

Måldokumentet er utarbeidd av eininga Landbruk og miljø. Arbeidet har vore organisert i eit prosjekt der Utval for samfunn, kultur og næring har vore styringsgruppe og Landbruksforum har vore prosjektgruppe. I tillegg har det vore ei referanse der organisasjonar, nabokommunar, stat og fylkeskommunen har hatt høve til å vere med.

Det er utarbeidd ein rapport som har evaluert måloppnåing i høve tidlegare kommunale mål (Førde og Jølster) og for dei 5 bestandsplanane som er godkjende innan Sunnfjord kommune. Rapporten, «Evaluering av måloppnåing, Bestandsutvikling for hjort i Sunnfjord» (Norsk Hjortesenter-rapport nr. 01 2022) dannar grunnlaget og er vedlegg til måldokumentet.

Kommunalt måldokumentet gjeld for perioden 2023-2027. Dokumentet vert styrande for den kommunale forvaltninga, for tildelinga av fellingsløyve for vald utan bestandsplanar og for godkjenning av bestandsplanar.

## **Mål for hjorteforvaltninga i Sunnfjord**

På bakgrunn av evalueringsrapporten vurderer vi utfordringane i dei fire bestandsplanområda til å vere nokolunde like. Bestandsplanområde Indre Jølster skil seg likevel noko ut. Det er tydeleg at dette området ikkje omfattar årsleveområde til hovuddelen av ein bestand. Det ser vi spesielt i manglande samheng mellom avskytingsmønster og indeksar for kolle per bukk. Indeksen viser at kolledelen i Indre Jølster vert redusert sjølv med ei overvekt av bukk i avskytinga, over mange år. Indeksen er også monaleg lågare enn for dei andre bestandsplanområde. Han er på ca. 0,5 kolle/bukk mot ca. 1,5 kolle/bukk for bestandane i Sunnfjord samla (jamfør figur 10 og 35 i vedlegg).


På denne bakgrunn har vi valt å nytte felles overordna mål og tiltak for heile Sunnfjord, men med nokre presiseringar i høve til Indre Jølster bestandsplanområde der vi har vurdert det som tenleg.

### **Hovudmål**

Hjortebestandane skal vere på eit nivå der skadane hjortebestandane gjer er mindre enn verdiane dei skapar.

### **Bestandsstorleik**

Hjortebestandane skal reduserast. Sett-hjort pr. jegerdag-indeksane skal reduserast over tid.



Figur A. Sett hjort per jegerdag og tal felte hjort i Sunnfjord kommune for perioden 2005-2021.

### Bakgrunn

Skadepresset er generelt for stort, på innmark og skog. Tap av grovfôr kvalitet og – mengde er for stort. Stadvis er det problem knytt til forynging av skog, samt barkgnag som minskar verdien av tømmeret. Slaktevektene er også reduserte over tid.

### Tiltak for å redusere bestandane

- ✓ Avskytingsplanar (i bestandsplanområda) skal legge opp til reduksjon av bestand.
- ✓ Overvekt av koller i avskytinga, til dess ein har redusert bestand til ønskeleg nivå. For Indre Jølster bestandsplanområde, isolert sett (med dagens avgrensing av bestandsplanområdet), kan ein halde fram med overvekt av bukkar i avskytinga.

### Kunnskap om hjorteforvaltning

Kunnskapsnivået om hjorteforvaltning, hjå jaktrettshavarar/grunneigarar og hjortejegerar, skal hevast.

### Bakgrunn

Det er avgjerande at jaktrettshavarar/grunneigarar og hjortejegerar har god kunnskap om hjorteforvaltning, for å kunne følge opp bestandsplanar og kommunale mål og tiltak. Hjortebestandane har vore i tilnærma konstant vekst sidan 1970-talet, med ei unnatak for eit par år etter 2008 då uttaket (inkludert fallviltavgang) mest truleg var høgare enn tilveksten. Etter reduksjon i uttaket i åra etter 2010 har ein på ny fått vekst i bestandane. Bestandsveksten er forsterka av at det særleg var hodyr som vart «spart» i åra etter 2010. Vi ser denne «sparinga» som eit teikn på manglande forståing og forankring av måla for hjorteforvaltninga.

### Tiltak for auka kunnskap om hjorteforvaltning

- ✓ Bestandsplanområde skal levere årlege rapportar med vurderingar av avskytinga og utviklinga i setthjort-indeksar oppimot bestandsplanens avskytingsplan og mål (innan 4 månader etter jaktslutt), til vald/grunneigarar og kommunen
- ✓ Prosjekt, på bestandsplan- eller kommunenivå, som er eigna til å spreie kunnskap om hjorteforvaltning vert prioritert ved søknad om tilskot frå kommunalt viltfond

## **Bestandssamansetjing og kondisjon**

Gjennomsnittsalder og kondisjon (slakteveker) i hjortebestandane skal auke.

### *Bakgrunn*

Det er relativt låg snittalder og låge slakteveker i dagens bestandar. Bestandane er difor mindre robuste, og produksjonen mindre føreseieleg, enn ved meir «naturlege» bestandssamansetjingar.

### Tiltak for høgare gjennomsnittsalder og slakteveker

- Kalve- og ungdyrdelen av uttaket/fellingane bør oppretthaldast eller aukast

## **Grunneigarorganisering**

Bestandsplanområde skal avgrensast slik at dei omfattar heile årsleveområde til hovuddelen av hjortebestanden som nyttar det aktuelle området.

### *Bakgrunn*

Utifrå tilgjengeleg kunnskap er det konkludert med at bestandsplanområda ikkje fullt ut har rett avgrensing i høve til hjortebestandes årsvandringar/trekkmønster. Det er spesielt tydeleg for Indre Jølster bestandsplanområde.

### Tiltak for betre grunneigarorganisering

- Bestandsplanområda skal sende sine årlege rapportar til nabo-områda/vald og -kommunar.
- Tiltak som kan medverke til betre grunneigarorganisering, på bestandsplanområde-nivå, vert prioritert ved søknad om tilskot frå kommunalt viltfond
- Kommuneadministrasjonen deltek i fagnettverk for viltforvaltning på kommunenivå

## **Vedlegg**

### **Evaluering av måloppnåing, Bestandsutvikling for hjort i Sunnfjord» (Norsk Hjortesenter-rapport nr. 01 2022)**